



INOVASI

Fungsi unik akar tuba

Oleh Mohd Sabran Md Sani
sab@mediaprima.com.my

Tidak ramai tahu fungsi pokok tuba atau nama saintifiknya *Derris elliptica* kepada alam sekitar.

Secara tradisi akar tuba yang diperoleh dari hutan digunakan untuk menangkap ikan.

Kaedah itu dikatakan paling mudah, berbanding menggunakan pukat atau jaring.

Fungsinya yang terhad menyebabkan tumbuhan itu dipandang sepi dan terbiasa begitu saja di habitat semula jadi.

Dari sudut penyelidikan, spesies tuba di negara ini sangat unik terutama dari aspek data molekular berbanding spesies yang sama di dunia.

Penyelidik UPM menginovasikan pokok *derris elliptica* sebagai racun perosak yang selamat, berkesan dan mesra alam



TUBA direndam 24 jam.



LARUTAN ditapis untuk mendapatkan pati.



PROSES penapisan dilakukan.



PATI yang dihasilkan.



PATI dikeringkan menggunakan alat 'rotary evaporator'.

FOTO: Kamarulzaman Ariffin

Secara sepantas lalu, apabila tuba digunakan untuk menangkap ikan, ia adalah toksik pada ikan dan toksik pada serangga.

Kelebihan itu merangsang Universiti Putra Malaysia (UPM) untuk menginovasikan racun perosak biologi daripada tumbuhan terbatit.

Penyelidikan itu dibangunkan penuntut doktor falsafah (PhD) (Entomologi), Norhayu Asib dengan seliaan Timbalan Dekan (Siswazah, Penyelidikan dan Antarabangsa), Fakulti Pertanian, Prof Dr Dzolkhifli Omar.

Ia dibangunkan menggunakan Dana Sains Kementerian Sains, Teknologi dan Inovasi (MOSTI) sebanyak RM124,000 untuk tempoh dua tahun.

Pemfailan paten sudah dilakukan dan dalam proses mendapatkan paten formulasi, malah ia sudah memenangi pingat perak dalam Pameran Bio Malaysia tahun lalu.

Norhayu berkata, inovasi yang dihasilkan adalah racun perosak biologi menggunakan ekstrak bahan aktif dalam bentuk formulasi emulsi nano.

Menerusi penghasilan formulasi emulsi nano, keberkesanannya ke atas perosak dapat dipertingkatkan setara dengan penggunaan racun serangga konvensional yang digunakan petani ketika ini.

"Racun serangga konvensional adalah berdasarkan bahan kimia yang disintesisikan di dalam makmal," katanya.

Menurutnya, formulasi emulsi nano bukan saja tinggi keberkesanannya, tetapi ia jernih (tidak keruh).

"Inilah kelebihan formulasi ini dan juga dalam formulasi dibangunkan, kami menggunakan bahan-bahan



PATI diperoleh dituangkan untuk proses kuantiti bahan aktif.



DR Dzolkhifli penyelia projek.



DR Dzolkhifli (kanan) melihat kerja makmal dilakukan Norhayu.



EKSTRAK bahan bio sedia digunakan.

lengai yang berasal dari tanaman dan formulasi hijau mesra alam," katanya.

Penyelidikan berkenaan boleh memberi impak besar kepada industri tanaman sayur-sayuran dan herba.

"Ia membolehkan petani membuat pilihan menggunakan racun yang selamat, mudah dan berkesan.

"Berbanding penggunaan racun asal (racun kimia), petani ada pilihan menggunakan racun mesra alam," katanya.

Menurutnya, harga produk dihasilkan itu boleh dijual pada harga lebih rendah berbanding racun kimia.

"Ini kerana ia menggunakan bahan terbuang sebagai bahan lengai yang boleh di dapat pada harga lebih rendah.

"Paling penting produk ini adalah produk bio, tidak berbahaya atau kesan sampingan kepada tanaman," katanya.

Menyentuh mengenai serangga perosak katanya, petani mengalami kerugian besar jika tanaman diserang ulat.

"Pada peringkat larva

serangga seperti ulat kubis (*Plutella xylostella*), ulat ratus (*Spodoptera litura*) akan menyebabkan kerosakan teruk pada tanaman.

"Apabila ulat ini makan racun rotenon yang terdapat pada daun, ia akan melumpuhkan organ dalaman serangga secara perlahan-lahan dan mati," katanya.

Menurutnya, ulat itu akan hilang selera makan yang boleh menyebabkan kematiian di antara 48 hingga 72 jam.

"Disebabkan ia adalah racun semula jadi yang berdasarkan bio, sayuran di ladang boleh digunakan seperti biasa dan tidak berbahaya.

"Racun itu yang disediakan dalam formulasi emulsi nano juga layak dikategori dalam ketiga-

"Ia tidak berbahaya kepada manusia," katanya.

Ditanya mengenai penggunaan katanya, memadai mencampurkan ekstrak dalam formulasi itu dengan air.

"Sebagai contoh sukatan 50 gram bahan aktif (rotenon) dalam bentuk formulasi emulsi nano cukup untuk mengawal serangga untuk

seluas satu hektar dan memberi kawalan yang berkesan di lapangan," katanya.

Proses pengekstrakan di makmal mengikut beberapa langkah penting.

"Akar tuba yang dipotong mengikut saiz tertentu akan direndam ke dalam larutan kimia (acetone) dalam tempoh 24 jam bertujuan mengeluarkan bahan aktif rotenon.

"Larutan itu kemudian ditapis untuk mendapatkan pati tuba, kemudian dikepingkan men-ggug-nakan alat 'rotary evaporator' bersuhu 40 derjah celsius," ka-

tanya.

Hasil yang diperoleh akan dimasukkan ke dalam alat Kromatografi Cecair Berprestasi Tinggi (HPLC) bagi melihat kuantiti dan kualiti bahan aktif rotenon.

"Langkah seterusnya

adalah membuat formulasi dengan membina 'phase diagram' bagi mendapatkan kadar dan kombinasi bahan aktif dan bahan lengai yang terbaik untuk menghasilkan formulasi emulsi nano," katanya.



BATANG pokok tuba dipotong ikut saiz.